

南詔聖史

淡生堂
鈔本

南詔野史一書

倪輅撰 楊慎校
淡生堂祁氏鈔本

一冊

淡生堂鈔本二種

南詔野史 滇教記

二冊



引用書目

四夷附錄

雲南志

樊綽南中志

蒙氏御書

西南夷傳

晉常璩大理志要

司馬氏益州記

哀牢夷傳

任豫志畧備經

徐雲慶景山志

南詔錄

元李京大理傳

雲南摠錄

雲南行記

韋裔虞衡志

南詔通紀

古滇說原

宋范石湖聖跡錄

南詔史

南詔紀行

張道宗國經志

白古通記

雲南事狀

郭松年滇載記

明布政陳文金櫃銘

明楊殿撰蒼岳傳



明蔣副使萬年一覽志

韋瑄南詔源流

紀年史

漢晉書

唐宋史

一代志

國本綱目通考

野史九例

首序六詔古今大槩總其綱也

次列六詔開國源流政事巨細詳其目也

一存六詔僭帝年號據其實也

一紀六詔僭位時年首列正統於上尊中國也

一刪各集怪誕如觀音建國羅叉食人惡滋惑也

一白古通記皆夷字難知存俟知者

一六詔各集紀數百年事實卷數甚多皆僧釋不

經今悉去之

一六詔各集散亂家存者少姑順時考訂始知雲

南自古迄今非盡夷域其間亦有君臣政事但

叛服不常不通中國故以夷目之茲因生滇不

悉滇事乃集成編亦管窺耳至于異同遺失參

差亥豕俟後君子補訂

新刊南詔野史引

帝王有天下有國史以紀事有野史以僉載漢雖邊
徼亦有野錄但所紀多釋老不經蕪渙漫无序南
詔事竟因聞知予成滇文款一考求弗得這

黔國公雲 出古滇集梓示庠士始得披閱焉視
中丞箬溪顧公南詔事畧則加詳矣無何復得滇
人倪 所集野史一冊而六詔始末具悉誠即乘
之裨也不 諸梓不猶秘論衡者乎因命予序予
非能文者姑詳其集史之由以弁諸首而已噫是
集也有四善焉辨方也訊俗也好古也傳後也不

永昌姚州之間地在五詔之南故曰南詔

六詔

六詔之地東西三千里南北四千六百里

蒙舍詔蒙化

蒙雋詔建昌

施浪詔曲籍

鄧賧詔鄧川

越浙詔麗江

浪穹詔今為縣

六詔歷代稱名不同

周名百濮

戰國名滇國

漢名西南夷

蜀漢

名建寧

晉名晉寧

唐名南詔

唐憲宗封蒙氏為

南詔王賜金印賜省城名鄯闡

宋名六詔

大明亦名雲南唐玄宗見祥雲起名祥州乃雲南縣

也古名一縣今為一省之稱漢元豐初置南雲縣則

漢亦名雲南白古記唐玄宗問張儉成住何處答雲

南邊雲下因命為雲南

南詔歷代蠻王據土時年

雍閣孟獲據於漢

蒙氏據於唐

一百五十年

鄭張趙

楊相繼據于五代段氏在宋

時建都大理至皇明

始滅七姓據土數百年惟蒙段最久自唐至元始滅

高氏大明朝見存土官蒙氏據南詔建二都以大理

為東京省城為西京

南詔歷代名宦

李毅為南蠻校尉政治明達晉光熙元年五峇夷反州事至懷帝時贈少府謚威侯

王遜為晉寧守華夷畏服太寧元年夷叛死之州人以中子堅領州事官至平

西安南張翕漢永平張元元初王追永和

鄭純臣漢明帝文齊蜀人水利有呂凱三國

史萬歲隋時前有吳霸陳立後有張亮劉寵犍為

費施已東馬忠皆著勲烈 鮑克夫大明

南詔歷代御賢

段文瑞澂江人讀書盡孝元詔旌門為臨安總管

楊惠楚雄人孝母感神元朝旌表

南詔歷代名賢

許叔重漢明時明五經為本郡教授

張志誠唐太和入蜀學義之書

王昇昆明人元曲靖宣慰副使李政名時

張景雲昆明人元至正臨安經安經歷

陳寶平夷人尹貢夜郎人二人德政名時歷官尚書

胡元南詔歷科進士

王揖 李敬仁 段天祥 李天祐 李郁 俱三

甲同進士出身

胡元御試條格

元皇慶二年翰林李孟奏准開科三年一試時九成
殿生芝天下共取三百人每榜雲南止取五人蒙古
取二名塞目取二名漢人取一名以八月二十初場
三十三次場二十六三場

大明雲南開科

洪武三年二月詔取士條格初場經義一篇四書一
篇二場論一詔誥表內科一三場策一道中式十日
後試騎射書筭律五事

洪武十七年勅天下三年一試 洪武甲子雲南始
開貢 癸酉雲南始赴應天鄉試 甲戌始中進士

甲戌始中進士 永樂九年雲南始開科 景泰四
年定雲南取二十名循加十名 宣德元年定雲貴
五十名 嘉靖丁酉貴州分科雲南為肆十名至萬
曆丙子巡撫鄒應龍奏加五名

南詔古蹟

省城唐永泰十一年蒙太子鳳伽異築五年洪武十
五年修廣記十里三百三十四步共一千九百陸十
七夫伽異未立死城東宣武王築小城与子舜化即
小城城北十里王女以与王築

滇池三百里史云源廣末狹似倒流故曰滇晉武大

元十四年寧州守費統奏滇民董聰見池中黑白
二馬出入故老言神馬出与馬交生滇池駒日行
五百里金馬碧雞周天竺國阿育王三子長福邦次
弘德次至德王有一神馬三子爭之王令放馬得者
与之三子追至東山得馬即今之金馬山長子繼至
聞得馬叱西山時碧鳳在山土人呼為碧雞至蒙氏
封二神為景帝漢武帝遣王褒求金碧神褒至蜀望
祭而回祭文曰歸狹歸狹漢德無疆褒回道卒
孔廟南詔不知孔子以王逸少為聖人元有文廟在
城外魚課司至賽典亦移入城賽公又開東西溝教

恭有功 封咸陽王春秋廟祀

祠山廟漢張勃滇守具水利邦人祠祀○諸葛碑省
城東二里舊漢營○土主廟蒙氏十一年建大義法
師以薩提珠九子種左右今存西一株甚茂
圓通洞有蛟為害盤龍僧建寺鎮之蛟去水洞名潮
音洞元李道源有碑

倉神明雲南知府郭鉅建倉○學有功滇人立廟于
倉今為倉神公順天人也○梁王宮今長春現

梁王墓在進耳山○賽典赤墓省城北門外○白塔
東岳廟前乃元萬慶寺塔○穿心塔在官渡螺精為

怪建塔鎮之市有碑蒙氏摩訶嗟會盟立。○段平章墓大理崇正寺後。○漢使臣廟在進耳山爨王碑者城十五里碑云大周昆明隋西爨王之碑成都閭立均撰洛陽賈詢書溫泉在安寧滇十七池惟北甲天下唐明皇玉蓮池不及也下有硃砂之故凡溫泉必砂礫硫磺在下乃熱觀湯池可知。○梁王避暑宮今羅漢山。○鹽井滇共四十處惟姚安白井楚雄黑井佳若狼井黑井因狼與黑牛紙地知名之白羊井今訛為白鹽井蒙氏時洞廷龍女牧羊于此羊忽入土掘之鹽水出故名白羊井。○九陰山在永昌有王

氣武侯掘斷。○神石南安州。○鉄橋在巨津州隋開皇年鑄。○地符在白崖石上有文壘王禁人踐之。○神鹿熊蒼山一鹿二頭食毒草。○諸葛碑文曰碑即仆壘為漢奴夷人碎之石人武定石白縣仙翁騎馱至馱驚仙翁斬之見存。○石佛宜良崇真寺孝惠王建一在宜良蒙武宣王見山有白光掘得大石佛。○秀山在臨安有花一株如芍藥中原未有。○盟誓碑在曲靖北十五里段氏與三十七部盟立。○銅柱在大理唐何履光至南詔復立伏波銅柱。○大相公嶺在寧州山高下視白骨可畏。○仙人迹通海箬口鋪

有白沙巨人跡掃之正午不見次日依然
萬箭樹永昌段氏時撲蛮亂過者射以厭之○石佛
北勝州唐吳道子昼刻○孟獲岩今楊林搖鈴山○
竹王祠通海漢女子浣衣竹流來有聲破竹得見長
雄諸夷以竹為姓棄破竹于野長成為祠○禮拜寺
省城內賽典亦建○青華洞雲南縣八里漢時出一
鹿二首絕景○火井阿迷田中投竹木則燃夜有光
五臺峯在點蒼山漢使李平寧見有風水掘斷雷震
宛建寧張氏時風雷洞阿迷百里內有風雷聲○羅
佐關在烏蒙山高由蜀叙州入滇要路

南詔歷代源流

雲南古荒服無記載白古記三皇之後西天摩竭國
阿育王第三子鰥苴低娶戾蒙虧其妻生低蒙苴
生九子名九龍氏

長子阿輔羅即十六國之祖

次子蒙苴兼即土蕃之祖

三子蒙苴諾漢人之祖

四子蒙苴酌東蛮之祖

五子蒙苴篤生十三子五賢七聖蒙氏祖

六子蒙苴託居師子國

七子蒙苴林交趾之祖

八子蒙苴頌白屋張樂進求之祖

九子蒙苴關白夷之祖 按哀牢夷傳古有婦

名沙壺因捕魚觸一沉木感而生十子後木化

為龍九子驚走一子背坐名曰九隆又雲哀牢

有一婦名奴波息生十女九隆兄弟各娶之立

為十姓曰董洪段施何王張楊李趙九隆死子

孫繁衍各居一方而南詔出焉故諸葛為國其

譜也

大白國

阿育王第八子蒙苴頌居大理白屋固地名號白國

至楚威王命莊驕伐滇驕遂自為滇王莊威王之後

好佛法紀不振國人推張仁果為王至漢武帝命張

騫使滇立仁果為王仍稱白國后昆弥氏繼之改白

為拜

拜國

昆弥氏國號歷國莫考張氏繼之改為建寧國

建寧國

張氏國號漢末祖張仁果居蒙舍川昆明大族中玄

為王建都澂江号雲南王蜀漢建興三年滇酋雍闓

南詔

南詔

假鬼術殺益州守正昂歸吳王孫權以闔為永昌守
武侯南征至白崖殺闔封龍佑那為長亦賜姓張号
建寧國築建寧城并鉄柱立碑南中紀功云万歲後
勝我者过此隋史万歲見而仆之下有字云史万歲
復立吾碑立而祭拜去張氏傳三十三世至張樂進
求一見蒙竒王有異相遂妻以女讓位与竒王王姓
蒙名細奴羅遂滅張氏号大封民國

大封民國

竒主蒙氏姪唐高宗永徽三年竒王乃建都蒙舍築
城龍宇備山唐貞觀初滅南詔号大蒙國称王僭号

自此始偽謚高祖

長和國即篡臣鄭買嗣

鄭買嗣宣武王相鄭回後宮為侍中宣武王巡鄯闡
留嗣守國遂篡蒙位建都大理号長和國歷三世揚
干真滅買嗣立趙氏号天興國

大天興國

趙氏國号立未久干真又篡趙号大義寧才八年通
海節度段思平討之自立号理國即大理異牟尋徙
羊苴城改大禮段氏自晋天福三年得國改大理又
改大中并文德建都於此凡二十二主三百十六年

至元始滅按段思平忿于真篡位討之真逃遂得其國循赦真罪廢為僧段氏傳至正明衰弱國人廢段氏立高昇太

太中國

高昇大段氏臣國人因段正明為君不振而立之号太中國在位一年遺命子高大明仍还段位段氏復具是為后理高氏皇明尚有土爵还位之報也

后理國

段正淳中具即以高大明為相傳至國終而後已

以上大畧序歷代開國相傳之綱大蒙已後

詳紀其目

大蒙國 名細奴羅因居蒙舍以蒙為姓偽謚

奇王

唐太宗貞觀初蒙氏臧南詔永徽四年蒙受唐封即位改元大封先是奴羅与張樂進求相讓奴羅曰如我為君砍石劍入砍之入三寸名曰盟石今存

是年唐僧西天取经○蒙氏平地方封岳瀆以神明天子為國步主封十七賢為十七山神○丁巳唐僧取经佛像回过點蒼雨湿經晒于坡間今名晒经坡僧回註般若经是年有彩鳳鳴于鄧州州遂名山為

鳳羽山。○時澁江人郭郡矣勇捷蒙氏用為開國武臣波羅旁蒙氏用為文臣有揚波遠騎青牛号神明大士能知鹽泉滇鹽井多遠所開元年王堯在位遵唐正朔改元八子羅晟立按皇明雲南鹽四十井每年并天下鹽課鹽糧共納三百九十萬五千三百兩

興宗王 名羅晟 偽謚興宗

唐上元元年即位年二十以張儉成為相。○甲申武氏臨朝。○庚戌姚州蠻歸土蕃唐遣御史李知古討之築城立州縣知古誅豪傑掠子女蠻怨殺知古于姚州是年王堯子晟羅皮立

威成王

名晟羅皮

石刻名誠樂魁

唐玄宗先天元年即位年十五歲。○立差法收高稅。○二年迁都立省城土主廟。○十四年立文廟。○開元元年唐大匹恭韜徽建大理崇圣寺并塔刻石紀年。○九年南詔反。○是年王堯遵唐正朔偽謚武王子皮羅閣立

雲南王

名皮羅閣

石刻作歸義王名魁樂奄

唐玄宗開元十六年即位年十四二十六年唐封為雲南王。○唐憲宗元和二年築大理并雪峰長城。○

十八年蒙賊五詔先是蒙氏恐三十七部不服選親族為五詔未久五詔抗命王賂劍南節度王昱求合六詔為一朝命許之使人諭五詔六月二十四祭祖不到者罪建松明大樓敬祖于上至期五詔至惟寧北妃止夫行夫不听妃以鉄鐺穿夫手而別二十五日五詔登樓祭祖祭畢享昨食生至晚酒醉閣獨下樓焚尔放火兵圍火發五詔死差人報焚尔失火燒死請各妃收骨各妃至難辯寧北妃因鉄鐺得夫骨至今滇為火節王賊五詔取各詔宮人聞能旬妃美遣子兵取之妃曰誓不二夫即自尽既賊五詔遂破

土蕃及洱蛮入朝天子礼之遣使封雲南王同開府儀三司賜名歸羨并金鈿帶七事歸築太和城上下二閨○二十七年明矯叛破浪穹劍川永昌○迁都太和城○癸未城大理○乙酉西蕃進獅子皮○十月城永昌○丙戌命孫鳳伽入唐唐授鴻胥少卿妻以宗室公主賜樂一部○天寶七年王薨子閣羅鳳立神武王 名閣羅鳳 德化碑云家居閣

羅鳳因地名也石刻名鳳

唐天寶八年即位年十九改元長壽以段國忠為相是年唐遣黎敬義封為雲南王子伽異為陽瓜州刺

史○九年王率妻 謁雲南太守張乾陀私之又多
徵求王怒發兵殺乾陀陷夷州三十二○十年王攻
安寧發人口百戶于浪穹○肆月唐劍南節度鮮于
仲通將兵八萬伐滇滇王謝罪請還俘如不許則歸
畜通不許囚其使進兵白崖王遣子伽異与段儉魏
迎戰于洱河唐兵大敗通僅以身免遂叛唐歸畜土
番封為日東王賜金印以儉魏為清平官刻石國門指
碑曉唐使言受唐之恩明歸番之故○天寶十一年
唐玄宗因滇殺太守乾陀命鮮于仲通領兵三萬征
雲南○築白崖城○十二年唐復命劍南何履光李

密再征雲南王誘唐兵深入糧盡兵还唐兵皆沒李
密水死向履光大敗是後乃白妃妖術展帕手而咲
韓陀僧用鉢法王師乃潰○唐永泰十一年太子鳳
伽異築省城破曲靖○大曆元年立德化碑于太和
鄭田文○唐節度鮮于仲通兵取南谿陷大將李暉
自会同陷都督王知進自步願陷三道伐滇王就安
寧再申哀悃兵至曲靖乃遣首領楊子芬參軍馬如
之賁狀批示自是唐兵屢敗王遂与唐絕遣弟閣皮
和尚結好土番閣皮有神術人馬十八騎往來不过
朝夕土番以南詔為弟封為贊並鍾賜金印唐兵三

至三敗乃其術也時南詔喪師楊國忠以捷聞今河尾有大塚書天寶戰亡士卒之墓時安祿山反羅鳳乘机取蜀筇州○十六年永昌牛生三角鷄九足羊四角并出光○築仰子城麗水金皇城○時有張儉成笑卜教建寺白厓卜告吉又云地下有三截觀音半截在西中截在東下截在東南掘之果然○十一年王堯改元二子伽異未立死孫異牟尋立

孝桓王

名異牟尋

唐大曆十四年王二十一即位改元上元次年率兵三万教唐取蜀為東府師还城大理○興元元年迁

都太和改元元封岳瀆立三皇庙○三年丙寅迁都大理設官立三託氣託管馬祿託管牛巨託管倉又立九爽七省也管軍民礼樂刑政出納賓客等事○丁卯王以子弟師事鄭回亡中國掠去人力劝歸唐王内附○四月吐蕃犯蜀来取滇兵王雖不叛番心已歸唐西川節度韋臯又旌之歸唐益堅遂不發兵○河中進九尾狐○貞元三年異牟尋歸唐○八年節度韋臯使崔佐入滇不知番使先在王令佐更夷衣入佐曰天朝大使豈衣夷衣王不得已夜迎之佐大宣詔王惧失色佐功王斬番使復南詔從之六

月唐遣使立王為雲南王王侖使獻地并土番金印于唐上遂賜滇王銀窠金印上文真元冊封南詔印
○元和三年七月王薨唐詔太常少卿武少儀祭吊子名新覓勸立

孝惠王

名新覓勸

偽謚孝文

唐憲宗光和三三年即位年三十一改元應道○正月賜元和金印群臣上尊号曰皞信皇帝也重修曲靖崇真寺晋代建○庚寅四年王薨子功龍晟立

幽王

名勸龍成

偽謚幽王

元和四年即位年十五改元龍興○二月鑄佛三尊送佛頂寺用金三千兩

遣宗榜救緬榜湯池人王勇將先是師子國攻緬緬求救于王王侖救之

按緬甸歷代无考宋元屢敗王師洪武十年緬頊目招板南進貢二十九年差進士錢古訓詔立宣慰司洪武丙寅緬犯景東三十一年叛入他郎甸沐國公英侖都指揮寧正平之三月犯定遠沐國公同都督馮誠平之斬首三萬獲四十七象緬酋刀斯郎斯郎埋中矢死象背緬遂降貢方物景泰三年尚書王公驥賞緬孟恭地方緬方獻六川賦奏至上大悅差主

事何膠賞勞加請初年火燒費金牌官亡逃回中年
突起海上至今未安自騰至緬止三十八程自騰越
一曰南甸一曰羅必思一曰郎鏢一曰甸頭一曰甸
尾一曰甸頭一曰蒙腰一曰甸藍一曰蒙憐一曰
空地一曰蒙來一曰大市一曰龍江一曰个地一
日八列渡一日太公城一日景怜一曰蘇个切一日些
及一日馬來安一日賴當一日山頭一日甸頭一日
阿只一日吳細辰一曰折弓一日阿越以上陸路自
阿越下水九日至緬城其地有五大城酋住金樓民
居竹樓其下稱緬酋為卜刺浪稱其妻為米潑刺地

接大理四川酋出入乘轎水有舟筏官有昭孟昭綠
昭副三等官无大小俱金銀卷宝帶器无弓箭水有
金沙江涸時徑五里水惡緬人恃此為險倍敬佛重
罪对佛發誓慝僧處斬入緬又有一道一由怒江西
上一由騰衝七日至六川一由云南縣白屋过景東
從木通甸至弯甸渡入芒市十日到六川三路從怒
江上流蒙來渡至景樂沿河小渡十余處皆可進又
有三道可行一由天步馬一由灣甸一由阿却地界
皆可入緬

六年由王滔雷失道弄棟節度王嵯巔弑之時二十

一歲唐會少監李銑祭弟功利晟立

靖王

名勸利

偽謚靖王

唐元和十一年即位年十五改元全象厚報嵯巔賜姓象封太容。長慶三年賜金印次年廢巔循會敬信三宝赦其罪宮清平。二月張羅攻劍川。四年遷都大理号大豐。六年脩龍首上下二閘。七年永昌生一頭沙牛是年除洱河水怪建龍屋塔高十二丈

按白古記洱水有妖蛇名薄劫具大水淹城王出示能威者賞尽官庫子孫世免差役有段赤城願威蛇縛刃入水蛇吞之蛇亦死水患息王建寺鎮之以蛇骨灰塔名曰灵塔每年又有蛇党起風来剥塔灰時有謠曰赤城賣硬工今龍王庙碑云洱河龍王赤城盖有功為神之報

昭成王

名晟豐祐

石刻名勸豐祐

唐長慶四年即位年十六改元保和。立長平倉。甲戌宗榜赦緬勝之先是師子國侵緬求求救於王王遣榜助之榜勇而貪与緬約成功要厚酬榜遇師子兵尽殺之緬酌金佛一堂榜回至騰越聞嵯巔篡位榜遺書曰天啟不幸父崩子幼聞公揖位國家之

福我救緬回緬酌金佛李國無人唯公与我回日可
親迎佛与國爭光巔不知其謀至日迎之相遇榜令
拜佛即斬回國立世隆。按榜索緬金佛銷时有奉
香火人祝曰願世代奉教今不可得願在尊輪生戒
彼國祚後果生買嗣募蒙氏。甲申僧贊陀建霍慶
玄僧贊他建霍慶玄化寺先是霍慶地水淹僧杖刺
東隅泄之水中得樟木一段刻為佛呪之忽灵遠近
名曰活佛至明成化間雲南憲副林後聞之親至火
之得金數百入官火滇滯祠三百人呼公為林劈佛
公福莆田人。三年築鄧川城。四年立鄒闡王宮

○五年王改元天啟。開元元年嵯巔建大理崇真
寺基方七里。聖僧李賢者定立三塔高三十丈佛一
万一千四屋八百九十銅四萬五百五十斤自保和
十年至天啟元年功完砌人恭韜徽徐正。立教官
三人張永讓益州人趙永本國人。丁巳昭成王女
崇真寺燒香回至城西見乘白馬人揖去尋之不得
王告于僧贊他曰此山神也乃設灯照之果在蒼山
下僧怒欲行法移山于河神惧乃願獻宝珠王從
之。王母出家改名惠海。昭成后崩偏選惟羅次
一美女迎之后女建寺羅以寺久兵火至今灵異。

戊午年用銀五千鑄佛一堂。○廢道教。○四年僧夢
島造永昌卧佛長丈六。○元和三年建東寺塔高百
十五尺西寺高八十尺大匠尉遲恭造又建妙應寺
并塔大中十三年完。○六月初一星孛如雨。○是年
大旱王命僧鑑壽海祈雨曰昔湯旱七年六事自
責天雨七日今王酒色妄殺天怒不雨王如悔改天
雨自至何用禱為王如僧言自改自責數日果雨。○
師摩矣乃景莊帝之母其母摩矣隨王征至羅浮白
城建一寺南壁画一龍是夜龍動歲損寺後画柱鎖
之方定。○太和三年西川節度杜元穎失士卒心軍

逃入南詔因此知蜀虛實寇蜀陷邛戎雋三州掠徑
書室貨去唐宗知之貶穎循州司馬以李德裕代之
○大中十三年王薨子世隆立

景莊皇帝

名世隆

唐大中十三年即位改元建極。○唐蜀節度韋臯開
道通南詔入貢昭成王怒擾邊子苻龍立紀唐玄諱
唐不冊封奘自称皇帝改元大祀寇蜀播州咸通二
年杜宗上言南詔強盛西川兵弱未可輕絕宜弟祭
○庚申敕蜀不克取万壽寺石佛回。○元和中王傾
國寇加定州有飛天神陰兵破之先是節度杜元穎

字成都時滇兵至加定沐原川滇兵忽驚走蜀軍獲
二夷問之夷云見徧山神兵一神將長斧坐二鬼之
上声若迅雷追來故走即時自死酋長二人乃知飛
天神王也盖加定有飛天神廟滇兵至双流阻水造
橋三日蜀人聞而悔之見州志○十四年鑄天尊柱
于白崖高八尺○十六年犯蜀过大渡河唐阿河兵
馬使黃景伏半渡破之敗走夷兵繼至蜀兵復敗○
乾符元年寇西川陷黎雅聞高駢改鎮西川乃引去
駢追至大渡河擒酋長數人南詔自叛後唐使至俱
不拜惟拜和尚帝乃命僧景仙往諭公主事乃下拜

○十年南詔寇黎雅加三州○十九年南詔犯建昌
○乾符四年二月帝因怒疽薨于越萬景淨寺
按成王妃乃漁家女浴于江金龍与交生世隆七歲
開掌手中有通番打漢四字唐武宗發兵四十万取
西南自建昌入世隆迎于古宗殺唐兵二十萬于交
界处立銅柱先是唐惧隆彛為患妻以公主察其所
為公主以年庚送唐上宗命太史推之知其為龍也
○時高真寺有僧名崇模有神術景莊以為師唐太
和九年景莊攻蜀乏粮又遇年節士卒思歸僧呪水
成酒呪石成米各醉飽征伐隨行則用兵如神一日

同景莊出師化蝶回國亂宮后書達帝亡回云若來
令宮人背上綉一蝶僧復來宮人綉之帝見衣蝶命
斬行刑者七次首不斷自云用茅刀斷果然人見魂
化黑鵬飛往高真寺傳云僧魚鵬巢中所得之兒信
矣

武宣帝

名隆舜

唐僖宗乾符四年即位年二十三改元真明父為唐
忠二十年上下俱用子立田酺无道委政于臣願歸
於唐領南節度辛諲奏許以息邊患○十一年四月
請和于唐无表牒内称弟不称臣召百官議礼部侍

郎崔淡曰南詔无礼恐貽後笑使上表与淡辨帝詔
諭解廣明元年唐命少卿李龜年以宗室女為化長
公主与南詔和親○七年崑崙国進美女于南詔○
和元年滇主歸唐○唐光啟元年滇王遣楊奇肱送
公主歸唐○二年地震龙首二關三陽城崩○乾寧
四年滇王好畋酺内嬖失道堅臣楊登弒之在位二
十一年子舜化立

孝哀皇帝

名舜化

唐昭宗乾寧四年冬即位年十歲改元中興上書于
唐上款以詔答之王建言小夷不足辱詔從之○立

五季教主。○二年鑄崇圣寺丈六观音鄭氏合十六國銅所鑄也。蜀人李加亭塑像。○七月帝薨在位五年。至天伏二年。奸臣鄭買嗣篡蒙國。蒙自細羅奴癸五年。借帝歷十三代。共二百四十七年。鄭篡之國絕。鄭買嗣篡蒙始末。蒙孝哀帝昏愚。生太子。八月而薨。后臨朝。買嗣主國。一日啟后曰。母后深宮。群臣无主。臣抱太子作朝。后以太附之。乃捏太子。勝脫太子。哭不已。遂附宮人。回宮三日。太子卒。遂篡焉。

聖明文武威德桓皇帝

即鄭買嗣更名景

唐西沪令鄭回七世孫

唐昭宗天復二年七月。篡蒙國年三十二。改元安國。國号太長和。○建普明寺。○七年戊辰。鑄佛一万尊。為殺蒙氏八百人也。○己巳八月。薨。偽謚桓帝子。旻立。

肅文太上皇帝

名旻。買嗣子。資明智巧。國

泰民安。改元六次。

梁太祖開平四年。即位年二十一。改元孝治。○五年伐蜀。黎雅蜀兵拒之。渙兵溺水万人。○四年施宮寺。實僧智照撰封民三寶記。同光四年。服丹藥。躁怒殺

南詔野史
人八月薨為謚肅文子隆亶立十二月求偕南漢以
增城宮主妻之

恭息皇帝 名隆亶

後唐明宗天成元年即位改元天應○丁亥東川節
度楊干真弒之立侍中趙善政為帝在位二年壽二
十六鄭氏止傳三代歷二十六年而國終

大天興國 姓趙名善政

趙善政為清平一日途行天落石于前石裂有紅字
善政為天子於是楊干真弒恭息而立善政為皇康
皇帝先是善政微時採柴山中午酣夢神曰柴有矣
不止一次告其母母不信同往果然

惠康皇帝 趙善政偽稱

唐明宗天成三年即位改元尊聖次年改天應○三
年改國號大天興六月楊干真廢之而自立在位十月
大義寧國 即楊干真篡趙氏偽號干真和

村人母名彌柔有美色封民宣

水 武王私之有孕后適漁人楊氏

影 生真父捕魚真在船頭見水中

龍 有人龍衣冠冕鳳鳥白光之祥

衣 呼父視之見是兒影大喜后遂

滅趙鄭而自立偽號肅皇帝

肅恭皇帝 名楊干真

唐天成四年六月篡趙位改元光聖國號大義寧。辛卯改大明干真為帝貪虐中外咸怨通海節度段思平攻之干真命弟五人拒之不克真出奔義督在位八年國亡楊明又篡之矣

大理國 段氏威武人宋太宗時為神武

王將唐天寶七年代滇段儉大敗唐兵神武王功陞為清平官賜名國忠拜相六傳而生思平

段 其母過江觸木有孕生二子長

興 思平次思良思平牧放山中聞

異 為王之讖大明揚詔忌之思平

兆 逃詔使人追之思平遇農人藏

草乃中得脫行至品甸得奇戟

葉鑑湖得神馬飢摘 桃食

之核上有青昔二字思平拆為

十二月二十一日遂起兵以董

伽羅為師進兵大理楊詔據橋

不得過是夜得三夢夢人去首

玉瓶去耳鏡破左右解曰大夫去首為天玉去耳為王鏡破無對皆吉兆也是日過江有被纓浣衣婦指渡處遂過江誅楊詔國號大理

聖神文武皇帝 段思平 僭稱帝以下俱僭稱

晋天福二年即位建都大理年四十四改元文德。甲辰赦三十七部差役年年建寺在位八年薨子思英立

文經皇帝 名思英 母楊氏桂仙娘沒而

神封踰城宣惠國母

晋開運二年即位改元文經叔思良爭立廢為僧法名弘修大師叔思良立

慈聖文武皇帝 名思良

晋開運三年即位改元至治刻樓坪碑。辛亥年帝薨在位五年俱無可述

至道廣慈皇帝 名思聰 思良子

后周廣順二年即位改元明德。戊辰改順德是年薨在位十七年無可述子素順立

應道皇帝 名素順

開寶二年即位改元明正。先是建隆三年王全斌平蜀，欲取雲南，負圖進太祖。太祖以玉斧棄之，由是段氏據南詔。在位十七年。薨，子素英立。

昭明皇帝

名素英

雍熙三年即位，改元廣明。甲辰十一年，述傳燈錄。○次年改元明應。明聖、明德、明治十五年，帝薨。在位二十四年。為君無述，子素廉立。

敬明皇帝

名素廉

宋大中符二年即位，改元明啟。又改乾興。乙丑，薨。在位四年。為君無述，子素隆立。

秉義皇帝

名素隆

宋乾興元年即位，改元明通。丙寅四年，禪位為僧。慶曆八年，薨。在位十六年。子素真立。

聖德皇帝

名素真

宋天聖四年即位，改元正治。慶曆八年六月，薨。在位十五年。無可述者，子素興立。

天明皇帝

名素興

宋慶曆元年即位，改元聖明。甲申二年，薨。在位四年。無道，國人廢之，子思廉立。

孝德皇帝

名思廉

思平曾孫

宋仁宗慶曆四年即位改元保安又改保正保德○
皇祐四年廣南府儂智高叛改年號大曆宋命狄青
平之智高走大理函首送京○八年命高智升伐楊
允賢克之賜白崖茹甸地方○壬辰陞智升為統矢
○丁酉五月禪位為僧在位三十一年子義連立
上德皇帝 名義連
熙寧八年即位改元上德○宋熙寧九年入貢于宋
宋史○三年作八龍王會○在位六年楊義貞弑而
自立

廣安皇帝

名義貞

宋元豐三年義貞立改元廣安篡位四月半段臣高
智升命子升太起東方兵殺之

上明皇帝

名壽輝上德帝姪

宋元豐三年即位改元上明○是年日月交晦星辰
晝見○二年帝因天變禪位在位二年

保定皇帝

名正明 孝德之孫

宋元豐五年即位改元保定又改建安天祐○四年
禪位為僧在位十三年段氏末人心歸高氏群臣請
高昇太為君而段氏絕矣

富有聖德表正皇帝

姓高名昇太

宋紹聖元年國人立之國號太中改元上治在位二年○按昇太茫湧邑人將生父去石雲寺燒香回遇一老人云汝家將生貴子果生昇太段氏末保安帝出遇狂風吹倒馬智升救之遂得幸賜妻并地方楊允賢叛昇太討之封保德侯討義貞立壽輝輝在位災異迭興後主段正明亦禪位為僧國人見段氏弱以昇太為主至乙亥帝有疾遺言曰我之立因段之弱我死將位還段正淳子遵言還位段正淳淳以國柄付高氏遂為后理國段氏復中興

后理國

文安皇帝

名段正淳正明弟

宋紹興三年即位改元天授立高氏為相高氏專政段氏擁虛位而已○丁丑改元開明赦差役○己未宋徽宗立○壬午修楚雄城次年改元天正使高大連入宋求經書六十九家藥書六十二本○鄴關高觀音來朝進金馬杖八十節人民三萬三千戶賜八章札衣龍頭劔擢為安東將軍○乙丑緬人崑崙波斯三夷同進白象香物○十一月彗星出西方○三年南詔大疫○戊子帝禪位為俾在位十三年子正嚴立

宣仁皇帝

名正嚴○附高太明

宋大觀二年即位改元日新○二年中元節各方貢
金銀羅綺犀象珍寶萬計牛馬偏點蒼○三年改元
文治地震倒十六寺○三十七部叛高相國興師討
之使四子高明鎮守○五年緬人進金花犀象○六
年遣儒官鍾震黃漸賈勅褒相國忠貞○七年大理
入貢○九年宋冊封大理國王○六月大明卒封國
師生八子高智昌以罪流死其臣尹何二人謀報讎
乘王入寺弑之事露王加為義士欲用之二人不從
曰願死風後人王殺之義士塚今存○國主高太連
立○六月初一二日並出○丁未宋高宗立○丙午閏
五月金星八月大火焚三千九百家○紹興三年大
理求入貢却之自是南詔不通中國○六年廣西安
州奏大理貢象詔護送○丁卯慧出慕寧遠矣空破
馬地方叛○三月征之大敗○三十七部攻平國公
于鄯闡叔高明清戰死群臣以平國子有德立之又
讓高壽貞自号中國公居楚雄年老諸子內爭外叛
禪位為僧在位四十年薨

正康皇帝 名易長 正嚴子

宋紹興十七年即位改元永貞高量成繼立改元太
室○二年騰永叛高明清平之六討三十七部叛夷

十七日國主讓去与姪壽貞退居楚雄壽貞立号中國布燮○十五年改龍興又改聖明建德

重霧

二年三月十四重霧二十四方開五月公薨是年宋孝宗立○六月禪位為僧在位二十五年

功極皇帝 名智吳

宋乾道八年即位改元利貞○甲午高观音隆立奪壽昌位与侄貞明改元吳正十一月阿朮起兵同正明入國奪貞明位还貞昌昌奔霍慶○丙寅改元至德高妙音自立自白崖起兵破河尾闕入國奪真昌

位○丁巳改元亨成賢成正 勇恧來謁外祖于鄒闡意在奪之祖探之不認盟于天王廟二人口含丁香葉出廟吐之曰盟非我也葉也未久二人來吞鄒闡方戰見白馬神誅之悖盟之報也白馬神廟中二力士也○辛丑改元加會己巳改元亨又改安定六年明國公貞昌薨偽封義帝威天聰明仁帝○宋光宗立○乙卯宋寧宗立庚申六年七月帝薨在位二十九年偽謚功極子智廉立

享天皇帝 名智廣

宋寧宗慶元六年八月即位改元鳳曆

八宋取經

壬戌入宋取大藏經置五華樓凡千四百六十五部
○庚申帝薨

神宗皇帝 名智祥 享天帝之弟

宋開熙元年即位改元天開○八年獲征三十七部
追至尋甸平之○高密客為國王建寺不已○己酉
宋理宗立○踰城陰徙立為國王○六年六月十七
河水絕流十八日未時水復流○八年國公陰下鄯
闡立光日為演習高大祥為相育才奉美時和年豐
十一月帝薨在位三十四年子祥興立

孝義皇帝 名祥興

宋理宗加熙二年即位改元道隆○六年元兵至九
禾俞高禾率三品人迎戰殺敗已已地震○宋宝祐
元年蒙古滅大理○九年連祐歸宋宋遣使同來致
新經書賜銀百兩祭文一通為禾拒元兵戰亡也○
十二年帝薨偽謚孝義在位十三年子興智立

天定皇帝 名興智

宋理宗淳祐十一年即位改元天定○二年壬子即
宋宝祐元年元世祖自大渡河破吐蕃出石門所過
降之高大祥拒不勝元兵至大理帝奔鄯闡太祥奔

姚州元兵追及誅太祥五花楼下時白日雷三震室
祐元年二月元兵至入上關擄國王段志異元得五
城八府三十七蠻部立平雲南碑于蒼山○四年善
闡降元元兀良哈加賞段監二監井○五年兀良哈
至闡救志異賜金牌勅仍管八方○元世祖景安元
年伐緬甸○十年帝同段甫奉元命四征不庭至宋
境安南十二年兵回至定与薨訃聞元憲宗輟朝遣
翰林李道源來祭時段雖失國十六國皆遣使祭吊
御祭文曰段氏承五姓正位歸有新統既順天時以
向義統得國土以棲遲實國家待遠邦之仁由賢王

左右之感受命以來朝夕惕勵賴四征以匡不庭正
當共享亨嘉之運胡一夢以刻其難逢嗚呼當朕未
創大統乃為季叔之國茲既承元運合為君臣之分
待命為大參錄不替于孫子茲特遣太常省祭贈為
理國向義天定賢王段公尚賴神休永保祚土所贈
王爵後不為例○十一月帝薨段實立按高氏与段
氏相始終百七十年因絕段氏雖削帝号犹總帶一
方高氏大明尚有土爵豈非还位段氏之報奸雄視
此戒哉

總管

段實

天定帝之弟

晉天福二年段思平開國至宋寶祐元年元世祖滅
段氏段據雲南共二十二主三百十六年段氏有國
亦開科取士所取者悉僧道讀儒書者○丙寅年
元世祖入中國改元至元○景定二年元世祖平滇
削段氏帝号勅曰向率我師往臨尔境中拋國人之
請因從城下之盟款付而來忠勤益著庸示至優之
渥以彰同示之仁可準帝號錫以虎符中慶總管大
理合川建昌騰承等處安插已附之民招集未降之
國卿其勉之○乙丑二年段實改曲請破尋甸○咸
淳四年元世祖以子忽哥赤為雲南王未久合丁弒

之張立道告于帝已誅丁封孫松山為梁王○七年
元伐金齒標甸降○滇妖僧舍利律二十七部反段
實大破于安寧陞參政○十一年賽典赤建雲南各
衙門○丙子緬甸叛○二年十月緬犯永昌元俞緬
連刺丁伐之破岩三百天暑還師○宋帝昺立改元
祥興宋祚尽矣○至元十九年元俞丞相大卜參政
罕的魯伐緬破緬太公城建都王金齒烏蒙降○二
十一年緬敗元忽都帖木兒兵詔思播土官田揚兵
助之○二十五年元俞征緬官悉听雲南王節制○

二十七年封皇孫甘麻剌為梁王○二十九年元俞

元魯征八百。三十年元詔皇曾孫山海鎮雲南
給梁王印。元成宗貞元二年立車里軍民府與八
百大牙相制。秋八百叛命也。先不花討之。五年
元征八百。五月雲南土官宋隆濟反。貴州知州張
懷德戰死雲南。行省床九見討之。追殺賊首撒月斬
首五百級。六年冬雲地震。八月元命薛超征金齒
八百為不輸糧殺官吏也。七年八百免征。羊右丞
相劉深官收符印。皇孫勸帝誅深。喪師辱國。遂誅之。
蓋深曾兵逼帝。曷于謝女峽之報。八年順元擒宋
阿重慶叛叔宋隆濟。陞官賜衣一襲。十年羅雄州
土官阿那龍叛。扼越州。元命右丞汪惟能討之。追至
曲靖斬那龍。

高僧神術

元成宗庚申年段實破交趾。朝宋帶僧左黎同往。適
元帝手疽。黎以法洗之。愈。帝欲再抵掘地。害使八人
入地打鼓。名曰有怪。命黎治之。黎行法。少頃鼓聲不
聞。開視之。八人已死。帝敬其法。封國師。辛酉段實
入朝。授勅征緬。至永昌卒。段忠立。

段忠 道隆之子

中統四年十五歲。同元帥闊木破雨林。芒部會川。

次年春忠俞張希矯報仇于梁王不勝苑千人。乙丑元以虎符封忠為鄴闡酋。春攻曲靖九年忠奉雲南王旨代武定。二十一年隨雲南王伐緬。乙酉立文廟。

滇池蛟怪

元成宗大德元年滇池有蛟化少婦滇人神僧趙伽羅舍黑胡擒至喫水見形斬之黑胡土主也。元丁亥年晉寧建盤龍寺先是僧奄照段氏族人号蓮峯遊東山見龍潭勝景可建寺呪龍迁徙次日龍去水涸建寺至元八月僧入塔中至今遠近進香。己亥段

忠故子慶繼

段慶 忠之子

大德五年元授慶都元帥賜虎符三顆

諫伐西南夷

六年元御史陳天祥奏止伐西南夷不報。丙子元授慶宣武將軍妻以公主。庚子元授慶雲南行省參政未久故弟正立

段正 慶之弟

元授正大理軍民總管。元大德十一年段正招蒙化山中生爨入籍。

元封孔聖

是年元封孔子文宣王詔曰先孔子而聖者非孔子無以明後孔子而聖者非孔子无以法所以祖述堯舜憲章文武儀範百王師表萬世者也朕纂承丕緒敬仰休風循治古之良規奉追封之盛典加號大成至圣文宣王遣使闕里祀以太牢於戲父子之親君臣之義永惟圣教之尊天地之大日月之明奚罄名言之妙尚賢神化祚我皇元翰林閣復之詞也碑立滇文廟。至太元年雷益烏蒙三日地大震。二年三月梁王夙疾以諸王老的代鎮雲南。元仁宗

皇慶元年八百夷叛。十月李士李孟奏准開科雲南每榜限取五人蒙古二人漢人一人。五年正故子隆立

段隆 慶之子

元延祐三年勅周王鎮雲南。四年授段隆大理提管。六年雲南行省奏土官无子夷借以妻代管詔曰可。至治三年梁王抵洱海立保和奴二子号品甸王梁王回高祥斌殺二王以二妃配知府楊益。

洱河水怪

大定四年洱河有水怪牛猪形金精短項具水為患

大理有道者索段氏黃金百鎰為索制之索成即日
移浪穹寧河按六詔靈源記云寧川无底大明宣德
年漢人李應捕魚網得金索傍有漢翁曰可旋得旋
斷李貪甚收金索將穹驚動其怪連舟俱沉至今為
害

大明龍異瑞

元太定帝致和元年九月十八日我
大明太祖誕生乃上天斗精下降先是皇母陳氏夢
朱衣異人與白丸吞之竟有孕未生數年前有術士
周時言濠州荆塗二山有玉氣至是果生太祖生時

紅光滿室鄰有二郎神廟是夜迁移東北百余步生
四歲太祖父朱諱世珍抱太祖坐磨下有異人排垣
而來曰好個公也八十二歲大富貴矣後上皇父尊
号時果符其数太祖年十四遇元末紛乱起兵避乱
光黃間穷乏之甚有同鄉人刘徃祖常助不足又与
太祖善地塋皇考即今皇陵也時有異僧善相一見
奇之贈以一詩云祥雲覆体應黃袍氣相凌霄万丈
高卓越出乎人世表定平海宇統天朝是時太祖不
得已從紅巾韓林兒年號龍鳳從之三年見韓非所
主挺身自濠渡江年已二十七号吳年不用龍鳳偽

号至三十七即王位收討群叛至四十七即帝位魏
太明改元洪武以火德王天下。段隆以老退閑子
俊继

段俊 隆之子

元文宗天曆元年元授俊雲南省平章段平章之名
始與

鎮兵作亂

是年雲南鎮兵亂次年方定。至順元年諸王禿堅
據雲南反殺廉訪称雲南王詔樞密鉄木兒討之癸
朶甘思等處兵道進至羅二斯。二年權尋甸府官

曲木集義兵討雲南敗賊伯忽於馬龍至金馬山擒
賊首伯忽。二年烏撒部奏雲南駟輸甚苦願屬四
川奏下參政賈敦熙議。是年俊故

段義 隆之族弟

代父職授象化知州勅成務郎

元封孔配詔

至順元年阿容禾叛于中慶義助兵平之詔陞參政
三年春封文宣王夫人遣人詣滇冊封詔曰我國家
敦典禮以弥文本闕門以成德乃勝素王之位高虛
元媿之封有其奉之斯其至矣文宣王妻上官氏來

嬪聖室垂禧世家祖豆函房因流風于殷禮琴瑟在
御存宴樂于魯堂功言邈若于遺文儀像光昭其合
德作尔禕衣之象稱其畝鼎之銘茲特封為文宣王
夫人嗚呼秩二彝倫吾於徑闡關雎鵲巢之化皇仁
文治天其與河畜鳳鳥之祥○是年雲南大飢○御
史台奏四川參政馬鎔奏征雲南餉中道潛回借官
銀娶妾勅下罷官○九月烏撒土官余祿教元雲南
省會都事奉詔往諭授以參政○十一月雲南省奏
國馬每月上寅日給鹽啖馬則馬无病因雲南伯忽
反鹽不到馬多死詔四川鹽給之○段又故

段光

隆之子

高蓬賣國

至順乙丑光主國事番兵化耗孟州判官李生等守
白崖迨高蓬賣國番兵乘勝長驅破河尾我兵敗之
河赤不流得戰馬兵器无算遂作凱旋一律云兩鎖
金門百里城神州花木管絃声奈天蒼岳盤龍鳳勝
地長河伴月明梵宇三千連碧落招提八百向林青
恒河善策心无異何患愚夷結不平

長壽仙曲

二年段光遣張希嶠楊生張連与梁王報讎光兵大

敗止存三人次年果王復侵大理段兵大勝侍翰揚
天甫作長壽仙曲上段光云蒙氏鍾王氣駕御萬乘
堂東洱水朝西点蒼南龍関对北金鑠四面同金湯
江綠春楊柳岸清古雪霜竹林鶴立菊輸黃屏障龍
吟毒破玉回景如粧此生誠慶幸有眼覩明王 云云
光大喜讞宴。順帝立改元元統三年改至正元年
雲南玉案山生小赤犬无數群走如飛段雄正曰此
天狗星所化大兵壓境之兆二年方息又下鉄雨破
屋傷物。三年紅巾陷雲南。四年阿剌失里平雲
南是年光故

段功 光之弟

至正四年功襲蒙化知州。六年木邦夷斯可伐叛
奔河南參政賈敦熙会三牯兵討之。至正十五年
元主竄脫脫于雲南。三月兩日相盪。夏梁王刺
段臣高蓬先是參政段光令高蓬督兵羅那関梁王
使人暗招之蓬不從答以一詩云寄与下蕃梁王翁
檄書何若召高蓬自為五岳嵩山主智过六丁縮地
公鉄甲鉄盔弁鉄帽花鞍花索御花驄但揮眼前青
石障孤雲擊破幾千重梁王忌之密令人刺帳中

神僧除妖

是年梁王宮中有怪左右啟王曰盤龍有僧蓮峯能
驅邪王禮請至行符法怪息王喜禮謝留宮中至夜
問曰今中原紛亂後事若何僧曰二十年後國亡矣
至期大明兵南下○十六年黑鹽井有毒龍與水溢
鹽井損民居蓮峯建寺書鉄符沉水害息○寧州有
虎噬人蓮峯洒淨限虎遠去次日虎去○七月元以
四川廉訪蒲朮云為雲南諸路廉訪

紅巾入滇

二十三年紅巾賊倪文俊命將明玉珍同弟明二攻
雲南兵入金馬山梁王奔楚雄○四月十日梁王發

中慶至石碑村紅巾入城梁王報感而自咏云野无
青草有黃塵道側仍多戰死人觸目傷心无限事鷄
山还似舊時春随命陝西參政帖木兒拒之擒明二
各處乘机叛段功謀于楊淵海同稽于卜卜告吉又
得子宗子禾兵至随王行段功率兵拒紅巾敗于關
滩紅巾復震殺段氏騎將鉄萬戶时有江心庄楊勝
堅戰死梁王為文祭之曰生于江心為我拔扈我旧
不識用備其數死于卧龍王侯重之用顯其義噫美
重于生生必有死此尽大丈夫之事者能有幾人願
魂歸蒼洱英傑復生以保我之昆裔痛哭聞者淚下

是夜紅巾屯古田寺功令人焚寺紅巾亂死者大半
追至回纥闕大破之賊將謝德攻安寧功追之殺二
千人謝奔中慶是夜小軍拾得一書乃明玉珍母寄
來書云自尔去後平安征雲南務要得之兵糧不足
隨後發來不可輕回段功得書改曰尔自去後老身
不安臣下亂法又聞中國軍馬入界非止一處尔須
急回遲則難保大夏天統元年明太后平安書尋捨
舍人有打金箔人陳惠願往唯世无養功許看母遂
行送書玉珍得書嘆良一兩令回至夜軍回功知之
追至七星關大破之○梁王歸鄯闌以段功退兵之

功以女阿禧妻之梁王与公主宴酣歌金指環云將
星挺金枝宝闕金枝玉葉灵輝輒東西南北中月唯
有月玉文金印大如斗唐貴妃配结父王永寿偕碧
鷄頭作擎天傑平章父住梁府夫人高氏在大理作
詞來功云風捲殘雲九霄冉日遂龍池无偶水雲一
片綠寂寞倚幃屏春雨紛日促蜀錦半闌駕鶴獨自
宿珊瑚枕冷泊濕戎針目好难熬將軍一去无度負
与形立影与身独盼將軍只恐樂極生悲冤鬼哭公
得書歸至金雞廟報生子喜作歌云去时野火通山
赤凱歌回奏梁王悻自冬抵又陽春时物变迁今又

惜歸來暮綠茸已萌芽甲折何意生杜鵑聲裡日如
年好歸去

平章別妻

至正二十四年平章思新婚款赴梁宅家臣楊智上
詩留行云功深切莫逞英雄使尽英雄智力穷切悲
果王生逆計龍泉血染慘西風張希疇亦上詩留平
章怒曰宝剑豈埋荒土物耶流矯于順州平章与正
妻高氏別兼程至滇梁王君臣私語曰平章以來有
吞金碧之心王与公主謀以孔雀膽害之公主私洩
平章不信二十六年七月請平章東寺講經至通濟

橋馬逸遂殺之公主曰昨灯下言不信今果然痛哭
命侍女錦被包之王礼送歸大理公主作詩挽之中
夷語不錄

馮公挽詩

至洪武七年馮都督徑墓挽云田橫五百劍孤身轉
眼關山半委塵白闕玉樓召客記南滇彩壁說詩人
蒼山夜黑雲遮月金馬天寒鳥怨春共惜平章達禔
幕至今應樂水声頻。○自是梁王信諛戚段族哉
尽梁段二国因此失好年。○構兵宦慶知事楊昇改
和二國自滇海入金雞庙分界南属梁王北属段氏

二國息兵人民感德○已亥年雲南梁王開科士以
臨安盧訪使支渭興主試事

段寶 功之子

洪武元年梁王欲占大理令矢刺平章七攻不克通
使改和陸寶為雲南左丞

梁借段兵

明寇復入滇梁王令帖木的借兵時段寶長成回書
云殺虎子還喂其母分狙粟自詐狙公假途威魏獻
璧吞虞金印玉書乃釣魚之餌誘閨淑女設掩獸之
網羅况平章死已止遺一妾一奴妾可配華黎氏奴

可配阿禡妃二事許諾必借大兵如不許金馬山換
作点蒼山昆明池改作西洱河兵來矣書後詩曰烽
火狼烟信不符驪山奉火是走吾平章枉散紅羅帳
負外空題粉壁畜鳳別岐山祥兆隱麟踏却藪瑞光
元自從界限鴻溝後成敗與亡不屬吾梁王見而深
恨○

神僧祈雨

至正二十五年雲南大旱人言定遠有神僧瑜伽能
降龍役鬼啟王梁王遣人迎至僧設壇祈雨呪畢鉢
中出一小蛇遂大雨王喜酌以金帛辭歸役鬼荷担

○至正二十六年重午果王宮門外現射柳隨侍文武賜宴廉訪支渭興詩賀云地平如席草如烟年少將軍酒半酣朱竈馬穿人影過綠楊枝逐箭分鋒旌旗色映宮牆柳鼓角聲飄海外雲何日鯨鯢俱授首普天演武共儲文時元末盜起故云○果王宣光十八年段宝通好果王來朝時有舍與自沅江攻入鄩闡果王驚惧宝率兵敗之又破石多羅于海口果王陞宝武定公制書云段宝歸附而來忠勤日著庸示至優之渥以彰同視之仁父子立功四征克捷云云可謂三代輸忠乃于戎馬控馭之中干戈紛擾之際不徒遠朝而又立勲特獎宝為武定公尔其不負初心永保爾爵以光大尔赤城于無窮云○果王偽號宣光十九年中慶踏土王廟傾損王捐巴重修立碑紀事先是省城土主廟至正十二年耆民楊光重修至是再修

紅巾入滇

元至正癸卯三月紅巾入滇陷中慶踏城焚燬忠寺及居民

段女報讎

至正丙午段平章女寶姐小名僧奴未嫁時綉一旗

適建昌上官阿崇臨嫁將旗付弟曰母言父被梁王
殺死我欲報讎待汝長成此旗已徇五年矣我嫁至
建昌收拾夫家并東川軍馬飛報若到汝急來應慎
勿違焉行時以詩別弟云珊瑚釣起出香閨滿目潛
然淚濕衣冰鑑銀臺前丈夫金枝玉葉下芳菲鳥飛
兔走頻來往桂秀毒香不暫移惆悵同胞未忍別應
知重恨点蒼低又云何彼穠華花正紅歸車独別洱
河東鴻臺燕苑難經日夙刺霜刀易割胸雲白山高
連水遠月新春疊与秋重淚珠恰似通霄雨千里閨
山幾處逢○至正二十六年春中原盜起梁王臣廣
訪支渭吳三懇乞休梁王不允遣使金閭慰賜羔酒
覲顏听命自咏年高才薄忝清流款掛朝冠不自由
且喜壯懷无訴牒從教行道有鳴鶻故園蒼木无由
見何日干戈定得休九十春光还欲慕放懷且与醉
金甌

梁王昆池宴

至正二十七年閏四月梁王生日群臣稱賀王宴文
武于昆明池上省憲官詩賀曰賢君天壽宴佳賓殿
帳先施巨海濱萬里晴天開錦帳一川芳草卧麒麟
笙歌後送金盃酒鎧杖寬闌玉佩人醉飽百官咸稽

首領王高壽過于春

段國降表

洪武即位至十三年五月大理段寶方降上表云臣聞有天下者為天下之主有列土者為列國之君卑臣雖隔萬里之遙丹心每向中原之主大理自二帝三王之後兩漢三晉之終大蒙國受封于前唐鄭趙楊繼守于五季自臣祖思平有國貢禮屢行于東宋自心每列于西南迨至胡元不尚仁義專事暴殘元順已遁北方梁王統禍鄴關迎聞明主奉天承運取極南京中原太平邊徼寧 意者中國有聖人履竟

舜之正統小漢唐之淺畜天時人事然也或命臣依漢唐故例歲貢天朝或效大元職名俾守旧土庶寒谷回陽幽局照日八荒浴德六合同春垂憐邊境赦恤一方款修進貢恐觸明威合待事體之定專候聖旨之頒謹此專差段真王伯鵬馳奏以聞 太祖詔諭之○洪武十四年段寶卒改元一子明立

段明

寶之子

皇明野史作段世

大明伐滇

己未年繼為總裁即洪武十四年也○辛酉年授明宣慰○是年大明天兵伐滇先是洪武六年十二月

命翰林李士王禕湖廣參政吳雲勅諭滇梁王時元
太子即位于沙漠使脫脫來滇催兵糧欲恢復中原
聞天使至責梁王有二心梁王不得已殺禕父老收
葬地藏寺吳雲亦被害沙磧口觀回葬江夏訃聞太
祖震怒命穎川侯傅友德為征南將軍率師三十萬兵行太祖
西平侯沐英為征南副將軍率師三十萬兵行太祖
餞于龍江授以方畧兵至曲靖梁王命左相達里麻
率兵十萬拒之王師至白石江大霧四塞方戰即擒
達里麻于泥中梁王聞之棄城走海梁王聞城破殺
嬪妃飲毒不死投海父老塋進耳山土人立廟妙應
寺側嘉靖末折修社李旧址為寺傳公入城收梁王
金印畜籍分兵取建昌臨安楚洱等處

二忠恤典

按王禕至建文時始贈文節至永樂登極凡建文時
設施悉革文節之謚削去至正統六年浙江義烏縣
丞劉傑奏請加奉使雲南死節臣王禕恤典方謚文
忠立祠于滇勅賜二忠

大理戰書

洪武十五年二月大理偽國段世聞滇破差却使張
元亨州判李洪大理來下戰書畧云鄒闡危如登天

大理險倍投海英如漢武習戰僅置益州碓若漢祖
駐驛只得鄣闌取之易而守之難不若依我請乞冊
封定為進貢是為良策吾寔武人不通經史前代得
失則厥聞也恭惟麾下振耀皇威功不下于孔明才
克燬于方叔滌山川之旧染歷代所未有也况吾与
汝旣无殺父之讎又无財債之怨无故交鋒真乃不
祥汝比威楚彼处之民有何罪焉若耗人之食是絕
其命取人之財是割其心擄人妻女是乱人倫則予
之應不得已也爰念汝等皆中國之人其中豈无一
二達士得此何益不得何損西南之地稱為不毛易

動難安今春氣漸宣烟瘴漸起不須殺汝四五月間
雨淋可泛汝粮尽氣散十散九死形如鬼魅色如黑
漆欲活不能汝之進退狼狽矣莫若稱此天晴地乾
早尋活路寧作中原鬼莫作邊地魂汝宜畜之大理
國段氏頓首具書後詩云○長驅虎旅勢威桓深入
不毛取暴殘漢武故營旗影滅唐宗遺壘角声寒方
今天下平允易自古雲南守独難擬欲華夷歸一統
徑綸度量必須寬○書至傳公大怒即命將王弼胡
海率兵徑進段氏恃田菴和尚妖術列兵五萬拒下
閩沐英命弼趨上閩胡海暗度点蒼段兵自潰段氏

就擒時洪武十五年三月二十三也遂分兵取雀慶
麗江車里和泥等處皆降云雲南得府州縣長官宣
慰司共一百八十戶口七萬四千六百

大明輿畜

按雲南平皇明一統天下府共一百五十州二百四
十縣一千一百四十衛共四百九十三輿畜之廣古
未有也。段氏有國十三年改元一起庚戌終壬戌
是年國亡。○洪武十五年雲南初平土官楊苴謀叛
沐國公英同都督謝熊平之。○洪武十六年解段父
子至京起行別故人楊朝彥一詩云。○雄兵一日破

重閨父子分離瞬息間別後欲知相憶處錦江流水
碧潺湲。○是年緬夷八百皆降。○段氏到京頽目尽
誅段二子。太祖面諭汝父曾有降表姑宥之長子
苴仁賜鴈門衛鎮撫次子苴羨賜武昌衛鎮撫。○是
年命長吳侯耿炳文至雲南班師留沐留鎮守

封平雲南功

洪武十七年封平雲南功傅友德封穎國公郭英武
定侯詢海東川侯陳桓封普定侯張翼封雀慶侯仇
成張龍先已封侯吳俊金朝興先卒亦封侯俱世襲
○十九年命穎國公長吳侯再征雲貴蠻夷。○二十

一年命傅公統番漢大兵征雲南諸蠻。○是年緬夷犯他郎沐英命都指揮甯正平之。三月緬復叛都督馮誠平之。緬降納貢。○二十二冬沐英入朝宴于奉天門。賜金二百兩銀五千兩鈔七萬五千文倚百足命回鎮雲南。○二十五年雲南建昌土官月魯叛命果國公藍玉越雋侯俞通平之。○二十八年越州土官阿資叛沐春平之。

征六川

二十九年征定遠六川。○三十年陞雲南布政張統為尚書。為平定土地衙門法令。該祠賦稅之功也。○

五月命傅公討雲南曲靖普安孟定龍海曲麻馬乃等處。都督張銓有功。封永寧侯。三十一年六川平。

建文遊滇御製

二十三年乙丑六月十三建文焚宮出遊雲南。先是太祖末年傳位于太孫建文。知其不終也。既大漸授小臣。封固命窘迫。乃啟及永樂兵入金陵。建文開匣視之。乃楊印能度牒。遂削髮。自御溝逃。出宮中大起。以為建文自焚。不知帝為僧逃。出遊雲南。武定獅山寺。御製一律云。○漂泊江南四十秋。蕭蕭白髮已盈頭。乾坤有限家何在。江漢无情水自流。長樂宮前雲

氣散朝元閣後雨聲愁青蒲細柳年七綠野老吞聲
哭未休今詩存武定獅山先是我太祖夜坐太孫
侍立俞咏新月詩中一聯云影落江湖裡蛟龍不敢
吞太祖知影落江湖非吉兆也時以為詩讖○永樂
三年征八百○四年雲南大古剌王潒的那浪來貢
詔立宣慰長官司先是朝會中官楊瑄與雲南千戶
孟景美詔諭諸夷古剌因而朝貢○宣德七年八百
土官刀之雅奏波刷國屢侵請兵討之帝曰遠夷不
可勞中國必兩有不是降詔解諭

征六川

正統三年征六川不克四年復征○五年廣西穰人
沙人叛沐昂平之○六年俞定西侯蔣貴復征六川
○九年緬匿六川賊思仁發十年築騰衝城○十三
年高書王驥敗六川賊于孟叅○景泰三年六川賊
逃班師王驥陞官數萬員

皇明出入財賦摠

按夏太師名兀吉云賞費一時有限陞費後日既窮
六川不過中國一大縣輸納幾何陞官數萬員且國
用之日乏也不特此也不特此也以一衡論洪武錦
衣官止二百十員至嘉靖增一千七百員以天下論

洪武時文職二萬六千五百餘員今倍之洪武職
四萬二千六百員今十萬餘員天下廩膳二萬六千
軍八十九萬六千吏六萬五千朝廷天下田土止有
八百四十九萬餘頃一年所出糧稅十五省共二千
六百六十八萬石鹽課商稅共雲南歲辦關銀每年
總進二百四十三萬使出造作用二十萬宣府大同
遼東陝西濟邊用四十萬有警加十萬年節元旦千
秋等節用三十九萬親王王妃公主并上用及天下
王府銀盤水籬用三十萬七千兩每年數項使出二
百萬兩餘剩四十三萬尚有天下灾傷征伐冊封不
筭姑以黃臘一小事論國初止用三萬斤景太天順
用至八萬五千矣正德十六年工部奏造作中官巾
帽靴鞋絲絹羅皮等項成化時用二十萬弘治用三
十萬正德末用七十二萬司國計者當凜也

大明封岷王於滇

大明封岷王鎮滇先是太祖分封天下親王四十七
府始以漢王封滇王不肯行復封滇王來滇太祖生
皇子二十四人馬后生懿文太子秦晉燕周四王余
皆妃所生岷王封滇後不道取回安于武崗州

王恕放珍禽

成化十二年雲南鎮守太監錢能差指揮郭英由小
路入交趾求索安南驚駭英回以兵尾之事聞于朝
命王恕招滇捕英亡死于井恕在雲南月余疏二十
上時錢能差有錦背鸚鵡織金絲八宝扇籠欲進上恕
差人借觀開籠放去恐後欽取○十五年巨津州白
石山一日中裂半入于江水泛没田時滇屢有边报

地震

弘治十三年滇三十六處同日地震差刑部侍郎樊
瑩祭滇境内山川考察文武去官一千二百五十八
員○雲南鎮軍叛先是雲南招臣張誥浚胡元賽公

所開東西二溝用省城六衛軍月糧稍給遲中軍擊
撫院門時有勢豪因宿忿駕言是鄉官進士韓昂阻
糧中軍入昂家須臾房無片瓦以激變論下昂父子
于獄合家冤死百口招安畢戮為首叛軍白清等

災異

十六年春雲南貢院騰蛟起鳳遍大風吹去十五里
山上麥移于山下時巨津州边報甚急○十八年滇
大震遣礼部郎中陳崧詣滇祭山川之神

安全叛

嘉靖六年冬尋甸府土舍安銓叛先是知府馬性魯

徵糧禁銓妾于獄銓聚中奪妾遂叛長驅省城陷嵩
明楊林等處時招鎮徵兵調至土舍鳳朝文党銓同
叛朝命總制伍文定往討至滇銓已擒

交崗申文

嘉靖十六年交趾叛臣莫登庸逐其主陳氏交人告
急朝命滇進師討之時蒙自縣境外即交趾叛臣莫
登庸武文淵地名交崗三堂移文交崗查勘交趾叛
逆原由文淵回文云安南國威勇推忠功臣特進輔
國上將軍行宣光都總使司提兵慶陽侯武文淵謹
具陳狀為查勘事嘉靖十六年三月下旬文淵奉見

天朝臨安府大官帖文一道查勘安南篡逆事由仍
示文淵禍福之理傾誠向化之方不勝喜懼恭惟
皇帝爺上陛下尊居九位正萬方休天地之心正綱
常之道故大官有是帖也文淵敢不悉陳被登庸者
海濱之子祖父以捕魚弄弟莫厥前國王黎暉錄而
用之國王去世國人立黎持為王年号光紹登庸潛
謀不軌逐而鶴之復立光紹弟黎椿為王未五年又
殺之暴王母于館外篡其位偽號明德未三年兄弟
相爭殺弟莫極傳子登瀛改号大政凡八年退于海
明登瀛居龍編城篡位殺主事盖如此本國忠義旧

臣如鄭維驥保護光紹之子黎桎據清化城鄭嶋鄭
曉據太原踞阮塗據義安踞阮仁運廣據南踞義存
故主各提兵濟難取此故也伏乞大官体朝廷德意
奉詞伐罪備將前項事由陳奏亦安南福也至于山
川道路難易若石龍關至歸化府五百里山踞崎嶇
歸化至龍編城踞頗平坦諒山衛至龍編六百里俱
大略安府至龍編一千里崎嶇難行安邦海洋水道
難渡道里悉在天朝版畜不必再言惟念登庸父子
之奸浮于奔惡南土人民殆甚秦苛文淵祗承本國
出領宣光深有益于天朝恭惟

皇帝爺上陛下德廣亨化量宏極渙奮武周伐罪之
奉戾人臣弑篡之誅文淵求以扞國賴為御導剷除
逆庸正名分之乖遠救生民之塗炭內安外撫遐迩
共仰于威德大畏小懷蠻貊均霑于德教謹具陳狀
伏惟照鑒

接交阯東西千七百里南北二千八百里皇明永樂
五年建衙門四百七十二立為一布政司至永樂二
十二年太監馬騏詐傳詔旨往交南開辦金銀珠香
因而激變至今失之阯交在前代世為一國篡弑不
一至皇明酋長乃黎氏宣德初交酋名黎暉乃黎利

曹孫僅四傳未及百年至正德十一年又為陳暘所
執暘子陳昇據諒山府稱王改元應天加靖初黎惠
得國又為逆臣莫登庸所逐居清平海而死登庸篡
國改元明德子方瀛改元大正登庸僭稱太皇朝廷
命咸寧侯仇鸞尚書毛伯溫討之登庸稱降詔立安
南都統使司賜從二品銀印事在嘉靖二十年既而
方瀛不能靖國又為下所逐至今亂未定

元江反殺布政

嘉靖三十年沅江叛先是土舍那鑑殺侄奪印朝命
搆臣石公簡討之鑑戕殺布政徐樾上乃江西名儒

時以天暑還師

易門夷叛

嘉靖三十六年易門夷叛先是喬甸通火李朝陽等
以徵糧太急為辭聚衆叛偽稱混天大王尋即勦捕
平之

平武定叛逆

嘉靖三十九年省會無賴段暘等謀叛先是暘以霸
吏禁獄久之自称段平章之後糾上三十六人妄
擬宋江作變事露收捕

嘉靖四十年武定鳳繼祖叛先事魯府印土媼瞿氏

年老男嬪索氏當繼領府事因得罪瞿氏瞿氏遂謀奪印與族侄繼祖因而仇殺爭官搆鎮命分守左叅陳公善往處繼祖抗命據府叛分守僉事張公澤進討土舍阿方賈陣斷浮橋絕王師歸咎公不屈死之事聞于朝命尚書呂公光洵鎮守沐公朝弼討之擒殺繼祖改土設流

岳鳳叛

隆慶六年隴川岳鳳叛鳳以逃民為隴目把父之謀主奪印陰誘莽殺三宣六慰蜂起官司屢搆不听萬

曆九年犯姚關十年春奉勅征討時日色無光月赤如日夜无星辰昼迷烟霧先是萬曆九年彗星見西南光芒燭天識者以為兵象乃今北隴川之變

擒岳鳳

十一年春朝命叅將鄧子龍守備劉綎討之時宗州守蜀人何鈺常破蜀人九絲城乃單騎入諭搆鎮司道搆巢勒捕遂計擒逆鳳父子土舍罕慶三宣六慰悉平捷傳霑布以聞論功欵賜搆臺劉陞侍郎兼川貴兵餉一品服一襲鎮守沐陞太保賜一品服各廕一子欵賚銀段司道府縣各有差鄧劉陞付

德兵西南平定

擒逆鳳奏捷露布

雲南遊擊將軍署都指揮僉事劉綈為仰仗 天威
蕩平巨寇恢復三宣六慰傳露布以報大捷事伏以
王灵丕振恩威暨及於邊陲天命維新声教復施于
荒服幸膚功之克捷占景運之重熙參照逆夷岳鳳
等原以土司部落糞草賤夫狐媚欺孤謀主奪印雄
吞六慰威劫三宣馴至結連逆党蚕食諸夷遂及勾
引莽酋憑陵中夏上年襲殺官軍肆无忌憚近年
侵犯內地 窺伺蓋謂騰越永昌皆彼立隴所在碧

雞金馬亦其桑梓故墟是以蜂屯蟻聚謀為不臧輒
敢鴟鳴鶚張志非在小噫孽狐之兵跳梁見怪恃姦
免之穴踰伏偷安以為威狐不射容知天網莫逃本
賊奉命以來神飛智勇足 馳自奮与賊勢不俱生

恨不滅此而後朝食爰于萬曆癸未年十一月二十

六日 誓師分哨並進披歷險隘直抵賊巢元惡

即以倒戈就擒脇從悉皆僥首受縛月射千山喜獲

田禽之利風行六詔載揚霜隼之威惟時大羨激于

中心勝氣騰于千里神武布昭于將校懽声震動于

九天莫不鼓舞舜戎行虔恭師律戈戟連雲直欲移烟

塵于海島鼓鞞震地还期洗甲兵于天河鬼域尽在
目中凱旋指諸掌上虎穴咲談平功收不戰狼烟呼
吸息勸底咸寧拋金沙城蠻哈言有大而非誇通宝
井跨南滇信先行而不利土地克拓者不下数千余
里擄掠奪回者旄倪繫計數万餘人緣相机宜薄施
措置括岳鳳而姑縱之款南夷風聞而懷服討蠻莫
而隨省之款逆党畏威而創懲招孟密褒其母之慈
賢招孟莽表其兄之忠憤傳罕氏以復干崖之故土
納木邦以慰殘蠻之來歸誘洞吾之急争使之自相
屠戮諭阿瓦之款附使之反面仇讎袞賊将于孟密

剪黠夷之羽莫擒莽偁于孟密去巨款之瓜牙至于
芒市錫跛穩緬道氓之失業久矣則招安之以厚我
之藩籬南甸雷弄盞達黔首之顛連極矣則賑貸之
以固騰永之門戶切云寬之思者望風而響應避水
火之危者襁負而争先当鋤強戡暴之威存問死扶
傷之惠試兵甫及二月黎掃為之一空遂使海濱梟
雄咸謂 天威莫測遐邇童叟共款

聖壽無疆第念疆宇雖已廓清莽酋犹然肆大若不
亟加勦滅終為禍根蔓延際可乘之時而徑畧譬若
建瓴假彈壓之威而剪除勢如破竹即于甲申年二

月十一日糾合諸夷軟血威遠營刻符定縱連橫進討蓋雖不殺致殺實則以夷攻夷財不費而國威愈張師不煩而天威益振共集堂之陣用成善後之功俟蕩平之後另備改土設流于平定之余更宜築閩建堡設大將旗鼓以控制其要冲立諸司衙門而相為犄角隨行屯田之策以足食而財可使富保障堅于未形及練土著之兵以足兵而力可使強瘴癘庶几无患由是雨霽雲開見隴樹蒼山之色風清庭靜斷羗絃番管之聲而滇南之安永保萬世之無虞矣地方幸甚國家幸甚敬馳露布以聞萬曆

十三年三月奉 旨罕慶等正逆鳳等赴京○是年冬車里夷方物來貢○八月鳳等至京禮兵二部奏俘告庙○十三年秋八百夷犀象方物來貢

雲南擒獲隴川叛逆岳鳳等解京獻俘儀注禮部儀制清吏司為仰伏

天威計擒元惡恢復疆土恭報西南蕩平以紓

聖懷事奉本部連送該本部題本司案呈奉本部送

先准兵部咨稱雲南鎮巡等官沐 等恭報節次

擒斬逆犯首級二千一百三十八名顆及逆賊岳

鳳父子等五名續添莽糜啞宴得皮一名押解到

京乞要擇日祭告

郊 廟宣捷獻俘等因題奉

欽依移咨前來該本部照例題 請于本月二十九

日早遣官祭告

郊 廟是日 御前宣奏捷音百官吉服致詞稱賀

其 獻俘另行擇日具儀題 請等因奉

聖旨是祭告 南郊遣官徐文壁 北郊朱印禎

太廟駙馬侯拱宸各行禮欽此欽遵隨行准欽天監

本手擇到本年九月初二日辰時吉 獻俘等因

到司案呈到部臣等謹將獻俘合行儀注開坐上

請伏乞

聖裁等因萬曆十二年八月二十三日本部尚書兼

翰林院學士陳等具題二十五日奉

聖旨是欽此欽遵擬合通行為此合就迎送該司即

行該衙門欽遵施行

計開

一前期禮部告示文武百官具朝服詣

午門前行慶 賀禮

一先一日內官設 御座於 午門樓前楹正中

是日早錦衣衛設儀仗於 午門前 御道之東

西教坊司陳大樂于御道南東西北向鴻臚寺
設贊禮二人于午門前東西相向設文武官及
諸蕃使人等待立位于樓前御道南文東武西
相向及刑部獻俘官位於午門前御道東
稍南西向設獻俘將校位於午門前
御道西稍南北向引禮引文武官東西序立獻俘
將校引俘列于午門西邊武班之後伺候
上位常服御皇極門鐘聲止鴻臚寺跪奏請
上乘輿樂作至午門樓上陞座樂止鳴鞭訖鴻
臚寺官宣奏畢贊獻俘將校引俘至獻俘位

北向立定俘跪于將校之前刑部官詣樓前中道
跪奏云具官臣某奏云某官以某處所俘獻請
付所司候
旨傳下刑部官領旨訖即同將校押出施行文武
百官入班北向立唱排班上齊致詞官詣中道跪
致詞稱賀訖贊鞠躬樂作五拜三叩頭具平身
樂止鴻臚寺跪奏禮畢樂止
駕興樂止百官以次退

南詔野史附錄終

